

9 Pusillanimitas est timiditas, qua homo aut planè non, aut saltem trepidè & inconstanter res arduas laboris & periculi plenas suscipit.

*Exempl: Pu-*  
*sillanimi-*  
*tatis.*

1.

2.

3.  
4.

5.

6.

SCHOL. Græcè *μικροψυχία*. Hoc vitio qui laborant,  
aliâs dicuntur effeminati. Hujus rei insigne exem-  
plum extat Esa. cap. 7. in Achias rege Iudeæ, qui bello  
petitus à duobus regibus, Rēzin, rege Syriæ, & Pekah,  
rege in Istraël, usque adeò pusillanimis factus est, ut e-  
jus & universi populi cor tremuerit, quemadmodum fo-  
lia arborum in sylva ventis agitata tremunt. Talis ri-  
miditas invadebat Saulem, conspecto Philistæorum  
exercitu, ut ad Pythonissam in Endor sese converteret  
ad consulendum Samuelem defunctum, 1. Samuel. ca-  
pit. 28. v. 5. & v. 20. In summas animi angustias conjicie-  
batur Balaam rex Moabitum propter adventum Istraëli-  
tarum, Num. 22. Quum Gideon in exercitu suo habe-  
ret triginta duo millia hominum, & formidolosis copia  
daretur remigrandi domum, reversa sunt ex populo vi-  
ginti duo millia, Judicum cap. 7. v. 3. & seqq. Pusillani-  
mitas conjuncta cum impatientia fuit in Augusto Cæ-  
sare, quum ingentem illam cladem in Germania acce-  
pisset ab Arminio Quintilius Varus, Fertur Augustus  
adeò consternatus fuisse, ut per continuos aliquot men-  
ses barba capilloqué submissō caput interdum foribus il-  
ligeret, vociferans: Quintili Vare redde legiones. Porrò  
quid de timidis sentiendum sit, monuit Imperator Mau-  
ritius, qui quum æger animi aliquando somniaret, se in-  
terficiendum tradi militi suo Phocæ, qui deinde in Impe-  
rio ipsi successit, Philippicum generum suum rogavit,  
quis ille Phocas & quali ingenio esset? hic verò quum re-  
spondisset, juvenem esse ambitiosum, sed timidum; sub-  
jecit Imperator: Sit timidus est, homicida est, vel ut Zonaras  
ait: εἰ δειλὸς, οὐ φονεὺς, secundum illud: πᾶν δειλὸν φονεὺν, quod timidum idem crudele. Nec Mauritium fefel-  
lit opinio. Vide Mellificum historicum Pezelii parte se-  
cunda, & Melanchth. in Chron. & symbola Imperat.

Nic.